

16/1/2013 - RABU

## MPP UniSZA miliki kenderaan sendiri

KUALA TERENGGANU 15 Jan. - Majlis Perwakilan Pelajar (MPP) Universiti Sultan Zainal Abidin (UniSZA) menjadi MPP pertama di pusat pengajian tinggi awam di negeri ini mempunyai kemudahan kenderaan sendiri.

Kenderaan pelbagai kegunaan (MPV) Nazaria itu disumbangkan oleh pihak universiti baru-baru ini. bagi melancarkan perjalanan aktiviti MPP berkenaan.

Naib Canselor UniSZA, Prof. Dr. Yahya Ibrahim berkata, peranan MPP penting kerana setiap kegiatan dilakukan merupakan cerminan universiti tempat mereka menimba ilmu.

"Setiap program yang diadakan hendaklah bersifat nasional dan antarabangsa dalam usaha mentransformasikan UniSZA menjadi universiti ulung di negara ini. Sehubungan itu kita melihat kemudahan ini akan memberi mereka motivasi untuk menganjurkan pelbagai program seumpama itu," katanya.

Beliau berkata demikian kepada pemberita selepas mengadakan pertemuan dengan Bahagian Hal Ehwal Pelajar dan Alumni (HEPA) di Kampus Gong Badak dekat sini baru-baru ini.

Pada majlis itu, Yahya turut menyerahkan kunci dan kenderaan tersebut kepada Presiden MPP UniSZA, Mohammad Marzuqi Zainal Adlan.

Sementara itu, Mohammad Marzuqi yakin menerusi kemudahan



**YAHYA Ibrahim (kanan) menyerahkan kenderaan pelbagai guna Nazaria untuk kegunaan MPP kepada Mohammad Marzuqi Zainal Adlan (kiri) di Kuala Terengganu baru-baru ini.**

yang disediakan MPP UniSZA bergerak lebih aktif dan menganjurkan pelbagai program sekali gus memberi imej baik kepada universiti.

Pelajar Ijazah Sarjana Muda Sains Komputer berusia 24 tahun itu turut melahirkan rasa gembira kerana sebelum ini pergerakan me-

reka agak terbatas selain terpaksa berkongsi kenderaan dengan jabatan lain untuk ke lokasi program yang diadakan.

"Saya dan barisan ahli jawatankuasa MPP mengucapkan terima kasih kepada Naib Canselor yang memahami tugas dan cabaran MPP

yang perlu membawa imej universiti pada setiap program dianjurkan.

"Ini merupakan tugas dan tanggungjawab yang besar untuk dilaksanakan selain perlu menjaga kebijakan pelajar serta nama baik universiti di mata umum," jelasnya.